

小檀樂室彙刻閨秀詞

711.3  
52816  
27

卷之四

水經注卷之四

閨秀詞鈔卷十三目

陸恒十四首許英十六首沈省一首任玉卮一首

葉俊傑二首陳紫婉一首秦蘭生一首徐比玉一首

陳素貞四首錢瑗四首錢玉吾一首汪仲媛一首

陳蘊蓮三首施綺一首陳愛真二首邵廣銓一首

邵懿恒一首徐蒞齡一首周曰蕙八首金蓉一首

郭慧瑛二首石錦繡一首黃晚一首吳瑛五首

顧蕙一首高茹一首何慧生六首劉問陶二首

吳□□一首吳永和二首徐庭照一首秦雲四首

汪蘅二首關錡一首謝翠赧一首黃玉潤二首

孔慶貞一首津門女子一首

江表貞

一首

謝安

一首

黃王

一首

謝安

王藻

一首

謝安

一首

謝安

一首

謝安

一首

吳□□

一首

吳永味

一首

謝安

一首

謝安

一首

顧蕙

一首

高

一首

謝安

一首

謝安

一首

傅慧英

一首

百融

一首

黃

一首

吳

一首

昭續

一首

翁

一首

風日

一首

金

一首

刺蘇

一首

蘇

一首

刺愛

一首

昭

一首

刺素貞

一首

蘇

一首

蘇王

一首

蘇

一首

刺蘇

一首

刺

一首

素蘭

一首

蘇

一首

刺蘇

一首

英

一首

省

一首

丑王

一首

出卷隨世卷十三目

閨秀詞鈔卷第十三

南陵徐乃昌譔錄

陸

恒字衛卿武進人循應女同邑劉灝室有哀絃

詞槐陰詞

記正月二十八日

見常州詞錄

憶羅月

去年今日雲壓天淒切楊柳條條橋畔折死別生離片

刻從今短簿無緣空闌月冷霜寒誰遣辰鐘敲醒一

場春夢難圓

蘇幕遮

雨敲窗風戛玉幽咽淒清似譜零鈴曲夢斷寒更聲轉

促一寸灰餘已做燒殘燭  
泣孤鴻悲寡鵠短了今生  
未必他生續待向仙山覓樓閣不化青禽也化遼東鶴

金縷曲

底柱中流折猛回頭驚濤卷岸風悲月黑海上騎鯨人  
已去吹散蜃樓千尺便從此冰消瓦裂石爛南山難補  
恨怎徧教鑄錯中州鐵輸一着誰籌策長城百雉金  
甌缺又何曾絲延續命戈揮落日莽莽寒江東逝水只  
賸湘靈嗚咽縱拚化哀鶻啼血叫破黃昏天慘淡喚春  
光重轉終無力空染盡傷心碧

疏影

旅雁

寒塘暮雨有相呼倦侶宵渡淒冷似此天涯長向西風

消磨如許瘦損平沙淺草蒼茫裏正一樣飄零無定認  
遙空點就疏痕絕似離人倩影容易年華換了霜泥  
數爪跡吹散萍梗辛苦浮生怎及閒鷗日日水邊睡穩  
衡陽便是傷心地已信斷亂峯難問賸牢愁獨抱無眠  
聽遍鞦韆金井

卜算子

幾度怯臨風有恨無人識一寸相思一寸灰只賸紅冰  
結悄悄地背人彈着雨菱花濕待把眞珠慰寂寥點點  
凝愁血

邁陂塘

杜宇

念家山茫茫何處酸辛歸計休說哀音催墮三更影較

比寒蟬淒切東風急怎似綺華年彈指成陳跡回頭故  
國儘望帝魂消聞鈴腸斷夜夜空啼血 渾不讓易水  
悲歌聽徹叮嚀促盡行客石沈北海難填恨只賸冤禽  
弔月花飛雪縱百遍相呼春去回無日聲聲嗚咽待抖  
破愁雲拋殘紅雨染遍千山赤

東風齊著力

落花

苦被鶯摧頻招燕妬乃許消停伶俚瘦損耐得到春深  
挨遍風風雨雨飄零處有淚無聲憑誰問東皇去後冷  
落重門 清露乞慈雲已負了今生任委輕塵斷腸草  
色淒入一痕青狼籍殘紅零亂鵲聲裏偏又黃昏傷心  
地埋愁難覓墳恨難平

鳳棲梧

閃暈紅花青欲絕孤影伶俜隱約虛堂黑虬箭聲催殘  
漏急半窗破紙迎風裂死賸寒灰餘一息還是當年  
心字燒時積鎔盡啼痕涼似雪柔腸已化并州鐵

百字令

空階一夕滴芭蕉碎盡秋心難展簷鐵丁丁搖曳處驀  
地愁添宛轉秋木淒淒秋花寂寂秋意都零亂卷簾人  
瘦年華容易暗換已入急管繁絃不堪重証裂破冰  
絲軟萬斛眞珠拋作淚待把瀟湘填滿壓屋雲沈偎籬  
菊淡冷落閒庭院爲誰聽遍空餘霜鬢搔短

菩薩蠻

題劉提督弑梅林詠月遺照

新愁打疊傳千里誰從驛路迢迢寄何處問刀環封侯  
人未還魂和殘漏斷月近天涯遠踏遍壠頭雲香消  
紙帳春

邁陂塘

對蕭蕭滿庭風雨問秋秋怎無緒分明似帶慊慊病洗  
褪秋容如許拋不去有萬疊濃愁都在秋心聚頻啼玉  
筍儘連漏敲殘銅壺滴盡猶是聲聲絮我待做窗外  
芭蕉幾樹好教夜夜聽汝悲秋可也秋知道底事渾難  
爲主秋何處只蔓草荒煙一片寒蛩語淒涼砧杵把欲  
斷秋魂生生鏐碎零亂成絲縷

酌江月

時已巳嘉平既望後二日爲亡女阿芬葬期也是夜碧天無雲萬里一色風淒以厲

月皎如雪撫此傷懷爲賦短闋

今夕何夕悵娟娟照處風清月白玉宇瓊樓歸去後知  
在蟾宮幾闕也算曾圓不堪重証小厯滄桑劫前身記  
否明明鏡影磨滅料應只合犇雲爲誰繫戀莽莽塵  
寰窄未必多情長鎖恨剛好從頭悟徹可是無緣誰能  
遣此擊碎冰壺缺霜花宰地任他一例埋沒

如此江山

殘月

分明消盡懨懨樣堪憐一痕無主愁不禁秋瘦難成影  
耐得幾多酸楚前蹤漫數已負了團圓休言眉嫵挨到  
而今料應靈藥亦無補前身曾做底事累青天碧海  
長伴風露曲繞腸迴黯拚魂斷險勝銀灣遙阻催殘禁

鼓似斜倚薰籠夜涼凝霧扶起零丁有懷誰共訴

喝火令

小春廿三爲先夫子小兆祖塋是日值余母難慨然倚此

墮地生逢日埋憂死別時半奩破鏡半奩詩還是酹君  
酹我費尋思玉殿修文早金蟬脫壳遲不曾雙泛紫  
霞卮負了秋山負了鬢成絲負了信沈青鳥歸路尙參  
差

許不英

英字梅村錢塘人峻山女嘉興沈光春室濤母

有清芬閣吟稿附詞

杭郡詩三輯梅林教育有方子濤觀察江右板  
輿就養所經山川各繫以詩極一時吟眺之樂

江南好

霽峯園十六景 八鐘樓

樓軒敞遠寺送疏鐘四面悠揚鳴曉暮數聲斷續聽西  
東檻外夕陽紅

前調

一窗山

山氣爽撲入一窗來翠黛半浮朝雨溼碧紗全對暮雲  
開林壑日徘徊

前調

懶雲窩

雲容嬾寂寂意如何慵向春風尋雨夢慣偕夜月伴詩  
魔添我嬾還多

前調

畫雨樓

山雨起畫景盡當樓窗外遠巒青似黛簾前芳草碧於  
油雲腳望中收

前調

來鷗閣

池邊閣卅六野鷗閑曲渚忘機隨意戲畫欄久狎傍人  
眠與結水雲緣

前調

石笏菴

筠筴小瘦石挺雲根寸碧玲瓏迷竹影一卷磊落蹴苔  
痕拄笏立如人

前調

春水船

春水闊岸上好牽舟但有晴波環四壁不須畫漿打中  
流長繫碧溪頭

前調

香嶼

春意早寒綻幾枝花湖上逋仙甘隱跡揚州水部乞移

家清韻繞香葩

前調

九松亭

風雨古森列九株青千尺亭亭流月影半空颯颯起濤聲應有紫鱗生

前調

瀟湘館

斑斑竹遶舍弄雲梢風度似調瑤瑟韻雨來疑送楚江潮靜對讀離騷

前調

蘭泉

蘭芬處泉石亦膏肓九畹盡堪紉蕙帶中冷誰與試茶香花水兩含芳

前調

嘯虹亭

吟嘯晚天半彩橋橫影帶斷霞歸水浦氣含殘雨過江  
城雌霓喚分明

前調

竹堂

庭幽邃修竹蔭階除晝靜淡煙籠籜筍秋高涼露溼林  
於一徑綠雲鋪

前調

桐屋

桐陰覆翠屋護秋深繞舍扶疎堪立月拂窗罨靄好鳴  
琴未許點塵侵

前調

羅漢堂

誰結屋庭宇擬蓮龕十八阿羅空際現三千妙諦靜中  
參盟手誦華嚴

前調 晚春堂

韶華永景綴暮春時  
婪尾猶留花映酒  
舞腰漸看柳成圍  
麗日正遲遲

沈省

省字口口湖州人

臨江仙

題二如居詩

見水曹清暇錄

午睡醒來茶熟未  
清風淨埽心田  
金爐漫炷水沈烟  
把君詩一卷細細讀花前  
南望不知相隔遠  
美人秋水娟娟魚書欲寄  
擘雲箋問君珠幾斛  
才許抵新篇

任玉卮

玉卮字口口荆溪人  
諸生任頌女文學曾貽妹